

**Najib Ucap Selamat Menyambut Perayaan Onam Kepada Masyarakat Malayalee
Bernama
Sept 6, 2014**

KUALA LUMPUR, 6 Sept (Bernama) -- Perdana Menteri Datuk Seri Najib Tun Razak mengucapkan selamat menyambut perayaan 'Onam' kepada masyarakat Malayalee yang akan meraikan pesta menuai dan kesyukuran itu esok.

"Bersempena dengan perayaan menuai dan kesyukuran Onam tahun ini, saya ingin mengambil kesempatan untuk mengucapkan "Onam Ashamsakal" kepada masyarakat Malayalee di Malaysia," kata Najib dalam posting terbaru dalam laman Facebooknya.

Onam ialah perayaan menuai yang disambut oleh masyarakat Malayalee di seluruh dunia.

Onam jatuh pada bulan pertama kalender Malayalam dikenali sebagai 'Chingam' (bersamaan Ogos-September), dan ia disambut untuk meraikan kepulangan maharaja yang dipercayai membawa hasil menuai yang mewah.

-- BERNAMA

Copyright © 2014 BERNAMA

Source :<http://www.bernama.com/bernama/v7/bm/newsindex.php?id=1066521>